

- *Fakultet zdravstvenih studija Univerziteta u Sarajevu, ul. Bolnička br. 25.,* koji zastupa dekan, doc. dr. Arzija Pašalić, i
- *J. U. Zavod za javno zdravstvo Kantona Sarajevo,* adresa: Mustafe Pintola 1/III, Sarajevo, zastupan od strane direktora, prof. dr.med. sc. Aida Pilav, primarijus, zaključili su

MEMORANDUM O SARADNJI

Član 1.

Predmet Memoranduma o saradnji (u daljem tekstu Memorandum) je uspostava naučno-istraživačke, obrazovne, stručne i komplementarne saradnje u oblastima djelatnosti potpisnica Sporazuma.

Član 2.

Saradnja između potpisnica Sporazuma u odgovarajućim oblastima odvijat će se u sljedećim oblicima:

- Izvođenje teoretske i praktične nastave za studente Fakulteta zdravstvenih studija u J.U. Zavodu za javno zdravstvo Kanton Sarajevo
- Zajednička stručna, istraživačka i obrazovna djelatnost, koja će se ostvariti realizacijom bilateralnih projekata i programa i u saradnji sa drugim međunarodnim subjektima,
- Unapređenje komunikacije i informisanja o prevenciji zdravlja.
- Razmjena edukatora i stručnih saradnika u skladu sa finansijskim mogućnostima potpisnica,
- Omogućavanje i unapređenje razmjene naučnog, stručnog i obrazovnog kadra i drugih saradnika, u funkciji realizacije istraživačkih projekata, diplomskih, magistarskih ili doktorskih radova, i
- ostale komplementarne aktivnosti od zajedničkog interesa.

Član 3.

Potpisnici saraduju u područjima navedenim u članu 2. koristeći sljedeće aktivnosti:

- razvoj zajedničkih inicijativa,
- razmjena stručnog i obrazovnog kadra i drugih saradnika,
- realizacija naučno-nastavnih planova i programa I i II ciklusa studija i kontinuirane edukacije,
- saradnja u oblasti istraživanja i u realizaciji međunarodnih projekata,
- razmjena stručnih i naučnih iskustava i dostignuća,
- organizacija stručno-edukativnih seminara i radionica,
- razmjena stručne literature,
- zajedničko korištenje raspoložive opreme i prostora za realizaciju naučno-nastavnih programa i studija, posebno praktične nastave.

Član 4.

Birani nastavnici i saradnici Fakulteta zdravstvenih studija Univerziteta u Sarajevu koji su uposlenici J.U. Zavoda za javno zdravstvo Kantona Sarajevo mogu udruživati rad sa Fakultetom zdravstvenih studija, u skladu sa obimom nastave.

Član 5.

Realizacija pojedinačnih oblika saradnje strana potpisnica, koji su navedeni u članu 2. Memoranduma može se detaljnije utvrđivati posebnim Ugovorom.

U cilju provedbe pojedinih oblika saradnje, svaka od strana potpisnica će imenovati osobu nadležnu za koordinaciju potrebnih aktivnosti.

Član 6.

Svaka potpisnica Memoranduma će obezbijediti vlastite izvore finansiranja za realizaciju konkretnih oblika saradnje. Ovaj Memorandum uključuje i mogućnost finansiranja iz alternativnih izvora, obezbjeđenih aktivnošću od strane jednog ili oba potpisnika.

Član 7.

Otkazivanje Memoranduma može zahtjevati bilo koja strana potpisnica. Zahtjev za raskidom se podnosi najmanje šest mjeseci unaprijed.

Član 8.

Memorandum se sačinjava u četiri (4) istovjetna primjerka od kojih svaka sporazumna strana zadržava dva (2) primjerka.

Član 9.

Memorandum stupa na snagu danom potpisivanja.

**Fakultet zdravstvenih studija
Univerziteta u Sarajevu**

Doc. dr. Arzija Pašalić, dekan

Broj: 02-1-106/19

Datum: 24. 01. 2019. godine



**J. U. Zavod za javno zdravstvo
Kantona Sarajevo**

Prof. dr. Aida Pilav, direktor

Broj: 05.3.34-945/19

Datum: 30. 1. 2019. godine